



Broj: 01-04-8-1424/25-6
Datum: 23.12.2025. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama BiH („Službeni glasnik BiH“, broj 39/14, 59/22 i 50/24) u daljem tekstu: Zakon, člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1424/25-3 od 23.12.2025. godine, načelnik Općine Travnik,
d o n o s i

R J E Š E N J E

o izboru najpovoljnijeg ponuđača

- (1) Najpovoljnija ponuda za javnu nabavku robe: „Nabavka i isporuka građevinskog materijala“ sa podjelom na 6 lotova je ponuda ponuđača „TRGOTEN“ d.o.o. Travnik za sljedeći lot:
 - **LOT 3 - Nabavka i isporuka građevinskog materijala za MZ Dolac n/L** u ukupnom iznosu od 12.819,30 KM bez uračunatog PDV-a;
- (2) Za izvršenje ovog Rješenja i praćenje realizacije ugovora zadužuje se Služba za infrastrukturne projekte obnovu, izbjeglice, raseljena lica/osobe i stambene poslove.
- (3) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke robe: „Nabavka i isporuka građevinskog materijala“, pokrenut je Rješenjem o pokretanju postupka javne nabavke broj: 01-04-8-1424/25 od 21.11.2025. godine. Javna nabavka provedena je putem otvorenog postupka. Procijenjena vrijednost javne nabavke bez PDV-a za LOT 3 – Nabavka i isporuka građevinskog materijala za MZ Dolac n/L iznosi 12.820,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-1-166-3-158/25 od 26.11.2025. godine. Rok za dostavljanje ponuda u skladu sa tenderskom dokumentacijom bio je 17.12.2025. godine.

Komisija za javnu nabavku imenovana je Rješenjem broj: 01-30-10-724/25 od 16.6.2025. godine te je shodno Članu 63. Zakona o javnim nabavkama BiH pristupila javnom otvaranju ponuda.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su za LOT 3 ukupno prispjele tri (3) ponude;
- Da su za LOT 3 blagovremeno zaprimljene tri (3) ponude,
- Da nije bilo neblagovremenih ponuda
- Da je ponuda ponuđača: „Trgoten“ d.o.o. Travnik prihvatljiva
- Da su ponude ponuđača: „GANIK I.D.A“ D.O.O. VITEZ i „Perenda“ d.o.o. Travnik neprihvatljive iz sljedećih razloga:
 - Ponuđač PPUD „Perenda“ d.o.o. je dostavio ponudu na način da je listove ponude spojio spajalicom. Ponuda nije uvezana na način kako je to propisano tačkom 4.1. stav 4 tenderske dokumentacije koji glasi: „Ponuda se čvrsto uvezuje na način da se onemogućiti naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućiti naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude. U slučaju da ponuđač uveže ponudu na navedeni način uvez mora

biti dodatno osiguran jamstvenikom. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“

- Listovi ponude nisu uopšte numerisani a obaveza numerisanja stranica ponude je propisana tačkom 4.1. stav (5) tenderske dokumentacije.
- Izjave iz člana 45. i 52. Zakona o javnim nabavkama dostavljene neovjerene (organ uprave ili notar), što je u suprotnosti sa tačkom 3.1. tenderske dokumentacije „Lična sposobnost“ i tačkom 3.6. tenderske dokumentacije „Diskvalifikacija po osnovu sukoba interesa ili korupcije“
- U obrascu za dostavljanje ponude (pod 4.) nije upisan rok važenja ponude.
- U obrascima za cijenu ponude vršene ispravke u suprotnosti sa tačkom 4.1. stav (6) tenderske dokumentacije.

Iz gore navedenih razloga ponuda ponuđača „Perenda“ d.o.o. Travnik za LOT 3 se odbacuje kao neprihvatljiva u skladu sa članom 68. stav (4) točka i) Zakona o javnim nabavkama, jer ponuda nije potpuna i ne ispunjava zahtjeve iz tenderske dokumentacije.

- Ponuda ponuđača „Ganik i.d.a“ d.o.o. Vitez za lot 3 – Nabavka i isporuka građevinskog materijala za MZ Dolac na Lašvi, se odbacuje kao neprihvatljiva iz razloga što cijena ponude u iznosu od 18.021,00 KM bez PDV-a, prelazi planirana, odnosno osigurana novčana sredstva ugovornog organa za predmetnu nabavku u iznosu od 12.820,00 KM bez PDV.

Obrazloženje: Član 2. stav (1) tačka I. alineja 2. Zakona o javnim nabavkama „Službeni glasnik“ broj 39/14 i 59/22) propisuje da se neprihvatljivom ponudom smatra i ponuda čija vrijednost prelazi procjenjenu vrijednost ugovornog organa ili vrijednost obezbijeđenih sredstava prije početka postupka javne nabavke, a vezano za ocjenu neprihvatljivosti ponude zbog vrijednosti koja je veća od procjenjene vrijednosti javne nabavke. U otvorenom postupku javne nabavke, neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Iz gore navedenih razloga, primjenjujući član 2. stav (1) tačka 1. alineja 2. a u vezi sa članom 69. stav (2) tačka e) Zakona, ponuda ponuđača „Ganik I.D.A“ d.o.o. Vitez jednoglasnom odlukom Komisije se odbacila kao neprihvatljiva.

U postupku donošenja ovog rješenja, cijanjene su činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač „Trgoten“ d.o.o. Travnik dostavio ponudu sa najnižom cijenom u okviru planske procijenjene vrijednosti nabavke. Detaljno obrazloženje razloga za izbor navedeno je u Zapisniku o pregledu i ocjeni ponuda koji se dostavlja uz ovo Rješenje svim ponuđačima koji su učestvovali u postupku nabavke.

Obzirom da je „najniža cijena“ bio kriterij za izbor najpovoljnije ponude, odlučeno je kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović

DOSTAVITI:

1. Ponuđačima
2. Internet stranica UO
3. Arhiva

OB 001

Strana 2 od 2

